

25. Jézu agvinan ch' k' i pinsouètt leuz ô di: éch rouéyonm ki srô divizè kontré li minm srô trondlè a tèr é pi l' vil ou l' mouézon k' al srô divizè kontr èl minm én pourô pouin sé tnir.

26. Si j' diab kach éch diab, il é divizè kontré li minm: kmin don k' sin rouéyonm pourôt i sé tnir ?

27. é pi si ch' é par Bèlzébu ké ch' kach ché diab, par ky' è' ch ék vôz éfan zzé kachttét i ? Ch' é pour ché k'i sron eu minm vo juj.

28. Si j' kach ché diab par échl Espri d' Diu, éch rouéyonm éd Diu il é don arivè jusk a vou.

29. Kmin k' ch' é k' ô vôle k' in kyék in peuch intré din l' mouézon d' inn onm for, é pi li volé séz arm, pi ch' k'il ô, s' i né kminch pouin par él louéyé pour pôvouèr apré ché dévalizé s' mouézon ?

30. Chti lô ki n' é pouin ove mi, il é kontré mi; é pi chti lô ki n' amas pouin ove mi, il épar.

31. Ch' é pour ché ké j' vô déklar ék tou péché pi tou blasfinm srô pardonné a zz' onm; mé ké ch' blasfinm kontré chl' Espri son, n' leu srô pouin rakyitè;

32. é pi chti lô k' érô parlé kont éch Fiu d' l' onm, i Il srô pardonné; mé si gn' inn ô in k' ô parlé kontré ch]* Espri San, i nin srô pouin kyit ni din nô sièk, ni din chti lô ki

varô apré_

33. Dizé ké chl' ab é bouin é pi sin frui ave; ô byin dizé ké